

rando in carne seu cum carne simul sanguinem voraciter abliguriunt, & ita vindictam DEI incurunt, ita homo tenendo bestialis truculentiaz animum in concessu animalium esu arcessere sibi gravissimam DEI iram dicitur. Sic sanguinis esum Noachidis prorsus vetitum fuisse neutiquam colligitur, a vetito enim esu bestiali ad prohibitum omnem esum sanguinis non poterit colligi. Et fuisse in illius sententia explicationis multos Ebraeorum e Rabbini-
rum scriptis erudite tradit Doctissimus *Seldenus*. Ceterum sunt alii Rabbinorum & que ac Christianorum Interpretes excellentissimi, qui Sangvinis esum (qualis Israëlitis ex lege illicitus erat, exceptus enim præ primis creditur purorum piscium sanguis (Noachidis non solum sed & gentibus vetitum afferere non dubitant. Superfluum ducimus, eos allegare. Id pretium operæ est dispicere, an ex concessu tali interdicto sequatur negativa proposita quæstionis, Christianos scilicet sanguinem in ciborum usu non posse adhibere. Expedio autem primo, interdictum Noæ datum Ecclesiasticum involvere respectum & sacrificiorum intueri arcanum, quod expressis verbis DEUS Mosis evolvit. Levit. XVII, 11. *Non comedetis sanguinem, quia anima carnis est in sanguine, & dedi illum vobis, ut super altare expietis pro animabus vestris, & sanguis pro animæ piaculo sit;* Quæ autem ratio sacrificiorum Leviticorum fuit in fundamento sacrificiali expiatorio, eadem etiam fuit sacrificiorum Patriarchalium ante Legem Levitarum, utpote non electio cultu sed inspirato Divino jussu a Patriarchis institutorum. Si igitur causa abstinendi a sanguine inter Judæos fuit expiatio animarum per sanguinem sacrificii, ergo eadem causa fuit inter Patriarchas, quorum origo in familia Noachi. Novi alias causas ab interpretibus assignari, quæ in compendio possunt videri apud Cornelium a Lapide commentario in locum, quem tractamus, quas inter & hæc cœu peculiariis allegatur, quod sanguis sit animæ vehiculum, seu quod anima carnis in sanguine sit; sed quæ ab hominibus recensentur saltim cum illa, quam DEUS ipse tradidit, non sunt
com-

De J. N. &
G. I. 7. c. 1.